



Programi rajonal mbi demokracinë vendore në Ballkanin Perëndimor (ReLOaD)



Project is financed by
European Union

Empowered lives.
Resilient nations.

THIRRJE PUBLIKE PËR PJESËMARRJE TË PËRFAQËSUESIT TË SHOQËRISË CIVILE NË KOMISIONIN E VLERËSIMIT TË APLIKIMEVE TË ORGANIZATAVE TË SHOQËRISË CIVILE (OSHC) NË KUADËR TË PROJEKTIT RAJONAL PËR DEMOKRACI VENDORE (ReLOaD) NË 12 BASHKITË PARTNERE¹

Qëllimi kryesor i projektit ReLOaD, i cili financohet nga Bashkimi Evropian dhe zbatohet nga UNDP, është të forcojë demokracinë pjesëmarrëse dhe procesin e integritimit në BE në vendet e Ballkanit Perëndimor, nëpërmjet fuqizimit të shoqërisë civile, duke mundësuar pjesëmarrjen e saj aktive në vendimmarrje si dhe nxitjen dhe krijimin e një mjedisi ligjor dhe financiar inkurajues për shoqërinë civile.

Projekti ReLOaD ka partneritet me dymbëdhjetë bashki në Shqipëri, konkretisht me bashkitë: Durrës, Dibër, Elbasan, Librazhd, Lezhë, Përmet, Korçë, Tropojë, Roskovec, Tiranë, Prrenjës dhe Shkodër dhe bashkëpunon për adoptimin e një qasjeje transparente, të orientuar drejt zhvillimit dhe të bazuar në projekte për financimin e Organizatave të Shoqërisë Civile (OSHC-ve).

Në këtë kuadër, projekti ReLOaD në Shqipëri dhe 12 bashkitë partnere, kanë hapur Thirrjen e dytë publike për organizatat e shoqërisë civile. Nëpërmjet kësaj thirrjeje ftohen OSHC-të të aplikojnë me projekte sipas kriterëve të shpalljeve publike të secilës bashki. Me qëllim, vlerësimin e projekteve të propozuara nga OSHC-të ngrihet një komision vlerësimi në secilën bashki, ku ka edhe një përfaqësues të OSHC-ve.

Për sa më sipër, dhe për të siguruar një proces transparent dhe të hapur të përzgjedhjes së projekteve të OShC-ve, projekti ReLOaD **shpall Thirrjen Publike për praninë e një përfaqësuesi të OSHC-ve në Komisionet e Vlerësimit të aplikimeve të OShC-ve në 12 bashkitë partnere në Shqipëri.**

Pas dorëzimit të aplikimeve nga OSHC-të, procesi i vlerësimit pritet të mbahet në muajt Mars - Prill 2019. Vlerësimi do të kryhet sipas një Udhëzuesi të përgatitur nga projekti ReLOaD dhe mund të zgjasë 2-3 ditë për secilën bashki.

Përfaqësuesi i OSHC-së në Komisionin e Vlerësimit do të ketë këto detyra dhe përgjegjësi:

- Përfaqësuesi i OSHC-ve do të jetë anëtar i Komisionit të Vlerësimit me të drejtë vote, dhe do të kryejë vlerësim në përputhje me rregulloret e Projektit ReLOaD;
- Përfaqësuesi i OSHC-ve duhet të marrë pjesë në Komisionin e Vlerësimit nga fillimi deri në fund të procesit;

¹ Durrës, Dibër, Elbasan, Librazhd, Lezhë, Përmet, Korçë, Tropojë, Roskovec, Tiranë, Prrenjës dhe Shkodër

- Përfaqësuesi i OSHC-ve do të nënshkruajë një deklaratë konfidencialiteti dhe paanshmërie;
- Përfaqësuesi i OSHC-ve do të nënshkruajë bashkërisht me anëtarët e tjerë raportin e Komisionit të Vlerësimit dhe do të konfirmojë gjetjet e dalura nga procesi, si dhe do të japë komente shtesë lidhur me punën e komisionit të vlerësimit, nëse dhe kur është e nevojshme.

Të interesuarit për të qenë pjesë e Komisionit të Vlerësimit duhet të jenë anëtarë dhe/ose punonjës me orar të plotë të OSHC-ve të themeluara/regjistruara në Shqipëri dhe duhet të plotësojnë kriteret e mëposhtme:

- Përvojë dhe aftësi të mëparshme në kryerjen e vlerësimit të paanshëm, të drejtë dhe transparent të projekt propozimeve të OShC-ve. Përvoja me skemat e dhënies së granteve të BE-së do të konsiderohet si përparësi;
- Përvojë në përgatitjen dhe/ose zbatimin e projekteve të financuara nga fondet publike, sidomos në nivel vendor;
- Njohja e bazës ligjore, dokumenteve strategjike, politikave dhe metodologjive në fushën e dhënies së fondeve publike për OShC-të;
- Njohja e parimeve të Ciklit të Menaxhimit të Projekteve (PCM);
- Njohja e gjuhës shqipe dhe angleze në të folur dhe të shkruar;

Kandidatët duhet të dorëzojnë dokumentet në vijim në adresën: registry.al@undp.org:

- CV (duke specifikuar përvojën e mëparshme në fushat e sipërpërmendura);
- Letër Motivimi (duke shprehur interesin për pjesëmarrje në Komisionin e Vlerësimit, si dhe konfirmimin e disponueshmërisë për procesin e vlerësimit, **duke specifikuar edhe bashkinë ku preferon të përfshihet**);
- Deklaratë nga përfaqësuesi ligjor i OSHC-së që autorizon kandidatin për të përfaqësuar OSHC-në përkatëse në Komisionin e Vlerësimit.

Përfaqësuesi i OSHC-s duhet të jetë i gatshëm të punojë pro bono/pa pagesë. Projekti do të mbulojë shpenzimet bazë, duke përfshirë transportin, akomodimin dhe ushqimin gjatë procesit të vlerësimit.

OShC-të nga e cila kandidati i përzgjedhur për Komisionin e Vlerësimit është anëtar dhe/ose punonjës NUK do kenë të drejtë të aplikojnë (as si aplikues kryesor as si OSHC partnere) në thirrjet publike për dorëzimin e projekt propozimeve të OSHC-ve në kuadër të projektit ReLOaD në bashkinë për të cilën kandidati është përzgjedhur për të qenë pjesë e Komisionit të Vlerësimit.

Afati i fundit për dorëzimin e aplikimit është data 22 Shkurt 2019, ora 17:00.

Për informacion të mëtejshëm, ju lutem mos hezitoni të kontaktoni znj. Eglantina Gollaj (eglantina.gollaj@undp.org).

Programi rajonal mbi demokracinë vokale në Ballkanin Perëndimor financohet nga Bashkimi Evropian dhe zbatohet nga UNDP